

Broj: 04-34-3-2934/20
Mostar, 01. 10. 2020. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 3. Budžeta Federacije Bosne i Hercegovine za 2020. godinu („Službene novine Federacije BiH“, broj 99/19) i Odluke o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2020. godinu Federalnog ministarstva obrazovanja i nauke („Službene novine Federacije BiH“, broj 10/20 i 43/20), sekretar Federalnog ministarstva obrazovanja i nauke, po ovlaštenju Vlade Federacije Bosne i hercegovine, V.broj: 82/2020 od 23.01.2020.godine, r a s p i s u j e

J A V N I P O Z I V
**za odabir programa i projekata iz oblasti proširenog studentskog standarda, koji će se
financirati/sufinancirati iz Budžeta Federacije BiH za 2020. godinu**

I

Predmet Javnog poziva je odabir programa i projekata iz oblasti proširenog studentskog standarda, koji će se financirati/sufinancirati iz Budžeta Federacije Bosne i Hercegovine za 2020. godinu, a odnosi se na:

1. Podsticaj školovanju Roma, državljana Bosne i Hercegovine koji imaju prebivalište na prostoru Federacije Bosne i Hercegovine i koji studiraju na javnim visokoškolskim ustanovama u Bosni i Hercegovini.
2. Podrška studentima s invaliditetom, državljanima Bosne i Hercegovine koji imaju prebivalište na prostoru Federacije Bosne i Hercegovine i koji studiraju na javnim visokoškolskim ustanovama u Bosni i Hercegovini.

II

Odlukom o usvajanju Programa utroška sredstava s kriterijima raspodjele sredstava tekućih transfera Federalnog ministarstva obrazovanja i nauke utvrđenih Budžetom Federacije Bosne i Hercegovine za 2020. godinu, za dodjelu podrške i podsticaja pojedinim programima i projektima utvrđuju se slijedeći kriteriji:

- 1. Podsticaj školovanju Roma, državljana Bosne i Hercegovine koji imaju prebivalište na prostoru Federacije Bosne i Hercegovine i koji studiraju na javnim visokoškolskim ustanovama u Bosni i Hercegovini.**
 - Podnositelj prijave mora biti student upisan u akademsku 2020/2021. godinu, koji ima prebivalište na prostoru Federacije Bosne i Hercegovine i koji studira na javnim visokoškolskim ustanovama u Bosni i Hercegovini;
 - Podnositelj prijave nije ponavljao aktuelnu akademsku godinu osim u slučaju bolovanja ili liječenja dužeg od tri mjeseca, za šta je potrebno dostaviti ovjerene dokaze.
- 2. Podrška studentima s invaliditetom, državljanima Bosne i Hercegovine koji imaju prebivalište na prostoru Federacije Bosne i Hercegovine i koji studiraju na javnim visokoškolskim ustanovama u Bosni i Hercegovini.**
 - Podnositelj prijave mora biti student prvog ili drugog ciklusa studija upisan u akademsku 2020/2021. godinu koji ima prebivalište na prostoru Federacije Bosne i Hercegovine, koji studira na nekoj od javnih visokoškolskih ustanova u Bosni i Hercegovini i koji nema više od 30 godina zaključno s krajem tekuće, 2020.godine.

- Podnositelj prijave mora imati invalidnost utvrđenu rješenjem nadležnog organa ili potpisanu i službenim pečatom ovjerenu potvrdu Ureda za podršku studentima s posebni potrebama/invaliditetom VŠU na kojoj studiraju, s obrazloženjem;
- U slučaju da obnavlja godinu, podnositelj prijave treba priložiti dokaz da je obnavljanje godine posljedica liječenja u vezi s invaliditetom uz potpisanu i službenim pečatom ovjerenu potvrdu Ureda za podršku studentima s posebnim potrebama/invaliditetom VŠU na kojoj studiraju, s obrazloženjem.

Napomena: Podsticaj se dodjeljuje u jednokratnom godišnjem iznosu, studentima koji su upisali akademsku 2020/2021.godinu, u skladu s raspoloživim sredstvima Federalnog ministarstva obrazovanja i nauke.

Odobrena sredstva uplatit će se na račun podnosioca pozitivno riješene prijave.

III

Podrška za programe i projekte u oblasti studentskog standarda iz tačke I ovog javnog poziva dodijelit će se samo onim podnositeljima prijave koji zadovoljavaju kriterije i o tome prilože odgovarajuće dokaze;

IV

Sredstva za financiranje/sufinanciranje programa i projekata iz tačke I ovog javnog poziva dodjeljivat će se u skladu s Odlukom o usvajanju Programu utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2020. godinu Federalnog ministarstva obrazovanja i nauke.

V

Za provođenje Javnog poziva te izradu prijedloga za dodjelu sredstava, zadužena je nadležna komisija Federalnog ministarstva obrazovanja i nauke.

Sačinjeni prijedlog Komisija će uputiti Stručnom kolegiju na znanje i sekretaru ovlaštenom za usvajanje, nakon čega će rezultati Javnog poziva biti objavljeni na službenoj web-stranici Ministarstva: www.fmon.gov.ba.

VI

Prijava se podnosi na odgovarajućem prijavnom obrascu, koji se može preuzeti na navedenoj službenoj web-stranici Ministarstva.

Uz uredno popunjenu i potpisanu prijavu, podnositelj je obavezan priložiti dokumentaciju navadenu na drugoj stranici odgovarajućeg obrasca.

Prijavu sa svim priložima u dva istovjetna primjerka treba dostaviti na adresu:

Federalno ministarstvo obrazovanja i nauke
Dr. Ante Starčevića bb
88000 MOSTAR
s obaveznom napomenom:
«Prijava na Javni poziv - prošireni studentski standard»

Krajnji rok za podnošenje prijava je utorak, 10. 11. 2020. godine.
Nepotpune, neuredne i neblagovremene prijave neće se uzeti u razmatranje.

Po ovlaštenju Vlade Federacije Bosne i Hercegovine

SEKRETAR MINISTARSTVA

mr.sc. Alden Kajtaz